

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-257 /10
Vareš, 29.12. 2010. godine

Z A P I S N I K
s 23. sjednice Općinskog vijeća Vareš,
održane 29.11. 2010. godine

Milan Knežević – zamjenik predsjedavajućeg Općinskog vijeća Vareš, otvorio je 23. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, općinska pravobraniteljica Sanja Pavlić, šef odsjeka za finansije i računovodstvo Boro Anđić, predsjednici političkih stranaka, novoizabrani poslanik Skupštine ZE-DO kantona Fahrudin Brkić, direktor JP JKP d.o.o. Vareš Zafer Kamenjaš, predsjednik OIK Karlo Tokmačić, ispred Službe za privredu i finansije Dragan Orozović, predsjednik MZ Ravne Fajko Kapetanović, predsjednik MZ Dabravine Rasim Kamenjaš, predsjednik MZ Kokošiči Mirmel Zazan i predsjednik MZ Vareš Enver Fetišević.

Sekretar Općinskog vijeća izvijestio je Vijeće o realizaciji Zaključaka s 22. sjednice OV održane dana 22.09., 27.10. i 09.11. 2010. godine i dostavljenim odgovorima na vijećnička pitanja. Općinsko vijeće je donijelo 21 Zaključak i 1. Preporuku, od tog broja 14 zaključaka je realizovano, 4 zaključka su u toku realizacije, jer nisu vremenski određeni i za 4 zaključka nema podataka o njihovoj realizaciji. Na 22. sjednici OV postavljeno je 20 vijećničkih pitanja, od toga na 7 pitanja nadležni su dostavili odgovor podnosiocu pitanja i Službi vijeća u pismenoj formi, a na 13 pitanja nema odgovora na postavljena vijećnička pitanja.

Općinski načelnik Hamdo Fatić čestitao je novoizabranim poslanicima na izboru u Skupštinu ZE-DO kantona, Fahrudinu Brkić i Toniju Pendić i pozvao ih na saradnju sa Općinskim vijećem, Općinskim načelnikom i Službama općine Vareš u cilju poboljšanja stanja, odnosno uspješnog rješavanja problema u općini Vareš. O aktuelnoj problematici na području općine Vareš, općinski načelnik nije imao obraćanje, s tim što je naglasio da pod tačkom 13. Tekuća pitanja, se može raspravljati o aktuelnim problemima.

Vijećnik Ivan Lučić javio se za riječ i podsjetio prisutne na Zaključak Vijeća da općinski načelnik u okviru izlaganja aktualne problematike izvijesti Vijeće o nerealizovanim zaključcima i neodgovorenim pitanjima, razlozima neizvršavanja i poduzetim mjerama za izvršenje zaključaka i odgovaranje na vijećnička pitanja.

Općinski načelnik izvijestio je Vijeće da će od naredne sjednice OV primjenjivati navedeni Zaključak Vijeća.

(Vijećnička pitanja)

Elvir Rožajac

1. Zašto se na javnoj česmi „Toplik“ ul.Zvijezda Vareš, ako je voda neispravna za piće, to ne obilježi, napominje da je u posljednjih par dana voda iz gradskog vodovoda mutna i traži da se stanovništvo obavijesti da li je voda ispravna ili nije?

Nakon vijećničkih pitanja vijećnik Džemo Kevrić iznio je svoje primjedbe na zapisnik s 22.sjednice Općinskog vijeća.

Vijećnik Džemo Kevrić ispred Kluba vijećnika i u svoje lično ime imao je primjedbu na Zapisnik sa 22. sjednice OV u vezi razloga prekidanja 22. sjednice OV i formulacije njegovog ponašanja. Traži da se na strani. broj 7. A.d.1. stav 3. u Zapisniku sa 22. sjednice OV uradi izmjena teksta u pasusu u kome je naveden razlog prekida 22. sjednice OV.

O primjedbi vijećnika Džeme Kevrić učešće su uzeli vijećnici Dženana Bešić i Mario Mirčić.

Zamjenik predsjedavajućeg OV, u skladu sa članom 91. Poslovnika o radu OV, stavio je na izjašnjanje primjedbu iznesenu od strane vijećnika Džeme Kevrić.

Nakon izjašnjanja vijećnika, zamjenik predsjedavajućeg je konstatovao da je predložena primjedba **jednoglasno usvojena.**

Zamjenik predsjedavajućeg stavio je na izjašnjanje zapisnik sa 22. sjednice sa usvojenom primjedbom, a nakon izjašnjanja vijećnika konstatovao da je sa **15 glasova ZA, 1 glasom PROTIV i 2 SUZDRŽANA glasa, usvojen zapisnik s 22. sjednice Općinskog vijeća Vareš.**

Na raspravu je stavljen prijedlog dnevnog reda iz poziva za 23. sjednicu OV.

Općinski načelnik Hamdo Fatić predložio je da se pod tačkom 8. dnevnog reda današnje sjednice uvrsti tačka „ Zaključak o davanju saglasnosti za realizaciju projekta Izgradnje kanalizacionog sistema u selima Striježevo i Mižnovići“, obzirom da je u toku Javni poziv Federalnog fonda za zaštitu okoliša za raspodjelu sredstava Fonda, po projektima. Predložen je ovaj projekt i potrebna je saglasnost Vijeća uz ostalu dokumentaciju.

Zaključena je rasprava i zamjenik predsjedavajućeg OV je stavio na glasanje prijedlog općinskog načelnika.

Nakon izjašnjanja vijećnika konstatuje da je predloženi **prijedlog jednoglasno usvojen.**

Na raspravu je stavljen prijedlog dnevnog reda današnje sjednice.

U raspravi su učestvovali vijećnici Ismet Abdulahović i Ivan Lučić.

Nakon zaključene rasprave zamjenik predsjedavajućeg OV stavio je na glasanje predloženi dnevni red iz poziva za 23. sjednicu OV sa dopunom.

Nakon izjašnjavanja vijećnika zamjenik predsjedavajućeg OV konstatuje da je **jednoglasno usvojen s l i j e d e ć i**

Dnevni red

1. **Nacrt budžeta/proračuna Općine Vareš za 2011. godinu.**
2. **Nacrt Odluke o izvršenju budžeta/proračuna Općine Vareš za 2011. godinu.**
3. **Prijedlog Odluke o izmjeni Odluke o kalkulativnim parametrima.**
4. **Prijedlog Odluke o vrijednosti boda komunalne naknade za 2011. godinu.**
5. **Prijedlog Odluke o povjeravanju na upravljanje i korištenje vodovoda pitke vode MZ Ravne JKP d.o.o. Vareš.**
6. **Prijedlog Odluke o izmjeni Odluke o povjeravanju na upravljanje i korištenje vodovoda pitke vode MZ Dabravine JKP d.o.o. Vareš.**
7. **Prijedlog Rješenja o imenovanju predsjednika i članova Upravnog odbora JU Dom zdravlja Vareš.**
8. **Prijedlog Zaključka o davanju saglasnosti za realizaciju projekta Izgradnje kanalizacionog sistema u selima Striježevo i Mižnovići.**
9. **Nacrt Programa rada OV za 2011. godinu.**
10. **Informacija o postignutom uspjehu u učenju i vladanju u školskoj 2009/2010. godini u OŠ „Vareš“ i „Vareš Majdan“ i MSS „Nordbat - 2 „ Vareš.**
11. **Informacija o provedenim općim izborima na području Općine Vareš.**
12. **Informacija o stanju poljoprivredne proizvodnje na području Općine Vareš.**
13. **Tekuća pitanja.**

Ad. 1.

*(Nacrt budžeta/proračuna Općine Vareš
za 2011. godinu.)*

Komisija za statutarna pitanja i propise, na 17. sjednici održanoj dana 24.11. 2010. godine, nije imala primjedbi na Nacrt budžeta/proračun Općine Vareš za 2011. godinu.

Komisija za privredu i finansije i budžet, na 10. sjednici održanoj 24.11. 2010. godine, jednoglasno je prihvatila Nacrt budžeta/proračuna Općine Vareš za 2011. godinu uz

Zaključak:

- da općinski načelnik i Služba za privredu i finansije pripreme Program mjera koje će omogućiti izvršenje zacrtanog bužeta/proračuna. Prijedlog mjera je potrebno uraditi odmah poslije utvrđivanja Nacrta na sjednici OV i isti uz Prijedlog dostaviti OV-u.

Hamdo Fatić kao predlagač, imao je obraćanje po ovoj tački dnevnog reda.

Boro Anđić, ispred predlagača dao je neka obrazloženja za ovu tačku dnevnog reda i izvijestio Vijeće da će tehničke greške u Nacrtu biti ispravljene.

Otvorena je rasprava u kojoj su učestvovali vijećnici: Dženana Bešić, Milan Knežević, Elvir Rožajac, Džemo Kevrić, Tajiba Brkić, Nikola Šimić, Izudin Ibrišimović, Jasmin Salketić, Mato Pavić i predsjednik HDZ Zdravko Marošević

Zaključena je rasprava i zamjenik predsjedavajućeg OV stavio je na glasanje Nacrt budžeta/proračuna Općine Vareš za 2011. godinu uz predložene

Z a k l j u č k e:

1. Da se u skladu sa članom 111. Poslovnika o radu Općine Vareš – Prečišćeni tekst, organizuje javna rasprava koja bi trajala 15 dana, odnosno do 14.12. 2010. godine, kako bi predlagači imali vremena da pripreme Prijedlog.

2. Traži se od predlagača da korektno sve iznesene prijedloge na današnjoj sjednici OV pod tačkom 1., uzme u razmatranje, kao i prijedloge koji će biti izneseni na javnoj raspravi tamo gdje bude organizovana javna rasprava.

3. Da predlagač za razliku od ranijih godina, mora Općinskom vijeću dati obrazloženje zašto neke primjedbe nisu prihvaćene, a one koje su prihvaćene, da li su opravdane ili nisu.

4. Sugerije se predlagaču da vodi računa o zaključcima Komisije za budžet i finansije i da OV-u uz Prijedlog dostavi i Program mjera.

Nakon izjašnjavanja vijećnika zamjenik predsjedavajućeg OV konstatuje da je uz predložene Zaključke **jednoglasno usvojen**

Nacrt budžeta/proračuna Općine Vareš za 2011. godinu

Vođenje sjednice OV preuzeo je predsjedavajući OV Josip Malbašić.

Ad. 2.

*(Nacrt Odluke o izvršenju budžeta/proračuna
Općine Vareš za 2011. godinu.)*

Komisija za privredu, finansije i budžet i Komisija za statutarna pitanja i propise nisu imale primjedbi, osim što je potrebno izvršiti tehničke ispravke u Odluci na bosanskom jeziku.

Predlagač nije imao dodatna obrazloženja.

Po ovoj tački dnevnog reda nije bilo rasprave i predsjedavajući je na glasanje stavio Nacrt Odluke o izvršenju budžeta/proračuna Općine Vareš za 2011. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

Nacrt Odluke o izvršenju budžeta/proračuna Općine Vareš za 2011. godinu.

Ad. 3.

(Prijedlog Odluke o izmjeni

Odluke o kalkulativnim parametrima.)

Komisija za statutarna pitanja i propise nije imala primjedbi.

Predlagač nije imao dodatna obrazloženja.

Po ovoj tački dnevnog reda nije bilo rasprave i predsjedavajući je na glasanje stavio Prijedlog Odluke o izmjeni Odluke o kalkulativnim parametrima.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o izmjeni Odluke o
kalkulativnim parametrima***

Ad. 4.

(Prijedlog Odluke o vrijednosti boda

komunalne naknade za 2011. godinu.)

Komisija za statutarna pitanja i propise nije imala primjedbi.

Predlagač nije imao dodatna obrazloženja.

Po ovoj tački dnevnog reda nije bilo rasprave i predsjedavajući je na glasanje stavio Prijedlog Odluke o vrijednosti boda komunalne naknade za 2011. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o vrijednosti boda
komunalne naknade za 2011. godinu.***

Ad. 5.

(Prijedlog Odluke o povjeravanju na upravljanje i korištenje

vodovoda pitke vode MZ Ravne JKP d.o.o. Vareš.)

Komisija za statutarna pitanja i propise na 14. sjednici održanoj dana 18.06. 2010. godine, nije imala primjedbi.

Ispred predlagača Ermin Musa izvijestio je Vijeće da u Prijedlogu Odluke na hrvatskom jeziku u preambuli treba ispraviti tehničke greške.

Otvorena je rasprava po ovoj tački dnevnog reda.

U raspravi je učestvovao vijećnik Elvir Rožajac.

Zaključena je rasprava i predsjedavajući je stavio na glasanje Prijedlog Odluke o povjeravanju na upravljanje i korištenje vodovoda pitke vode MZ Ravne JKP d.o.o. Vareš.

Nakon izjašnjavanja vijećnika predsjedavajući OV konstatuje da je sa **14 glasova ZA, 1 glasom PROTIV i 5 SUZDRŽANIH glasova usvojena**

***Odluka o povjeravanju na upravljanje i korištenje
vodovoda pitke vode MZ Ravne JKP d.o.o. Vareš***

Ad. 6.

(Prijedlog Odluke o izmjeni Odluke o povjeravanju na upravljanje i korištenje vodovoda pitke vode MZ Dabravine JKP d.o.o. Vareš..)

Stav Komisije za statutarne pitanja i propise sa 17. sjednice od 24.11. 2010. godine je:

- Da se sav naziv Odluke mijenja i da on glasi: „Odluka o stavljanju van snage Odluke o povjeravanju na upravljanje i korištenje pitke vode MZ Dabravine JKP d.o.o. Vareš“,
- Da se u članu 1. u prvom redu riječi „poništava se odluka“ zamijene riječima: „stavlja se van snage odluka“, ostali tekst se ne mijenja.

Ispred predlagača Ermin Musa prihvatio je stav Komisije za statutarne pitanja i propise da se Odluka u nazivu mijenja i da glasi „ Odluka o stavljanju van snage Odluke o povjeravanju na upravljanje i korištenje vodovoda pitke vode MZ Dabravine JKP d.o.o. Vareš“ i da se u članu 1. riječi „poništava se odluka“ zamijene riječima: „stavlja se van snage odluka“, ostali tekst ostaje isti.

Predsjedavajući OV je konstatovao da je predlagač prihvatio stav Komisije i da je postao sastavni dio ovog Prijedloga Odluke.

Otvorena je rasprava u kojoj su učestvovali vijećnici: Ivan Lučić, Džemo Kevrić, Dženana Bešić i Ermin Musa.

Zaključena je rasprava i predsjedavajući OV pozvao je predlagača da se izjasni o predloženom amandmanu vijećnika Ivana Lučića:

- da se u članu 1. u trećem redu između riječi „izvorišta i Rajevača“ ubaci riječ „Tatarin“
- da se članovi od 2. – 6. brišu,
- da član 2. glasi „visinu uloženi sredstava u rekonstrukciji vodovodne mreže i načinu obeštećenja JKP d.o.o. Vareš za uložena sredstva, sporazumno će riješiti MZ Dabravine i JKP d.o.o. Vareš uz učešće predstavnika općine Vareš i
- da član 3. glasi „ova Odluka stupa na snagu osmog dana od dana objavljivanja na oglasnoj tabli Općine Vareš“.

Ispred predlagača Ermin Musa nije prihvatio predloženi amandman vijećnika Ivana Lučića.

Predsjedavajući OV stavio je na glasanje predloženi amandman vijećnika Ivana Lučića.

Nakon izjašnjavanja vijećnika predsjedavajući OV konstatuje da predloženi amandman sa **10 glasova ZA, 1 glasom PROTIV i 10 SUZDRŽANIH glasova nije usvojen.**

Predsjedavajući OV stavio je na izjašnjavanje Prijedlog Odluke o izmjeni Odluke o povjeravanju na upravljanje i korištenje vodovoda pitke vode MZ Dabravine JKP d.o.o. Vareš sa prihvaćenim stavom Komisije koji je postao sastavni dio Odluke.

Nakon izjašnjavanja vijećnika predsjedavajući OV konstatuje da sa **11 glasova PROTIV i 10 SUZDRŽANIH glasova nije usvojen**

Prijedlog Odluke o stavljanju van snage Odluke o povjeravanju na upravljanje i korištenje vodovoda pitke vode MZ Dabravine JKP d.o.o. Vareš

Ad. 7.

(Prijedlog Rješenja o imenovanju predsjednika i članova Upravnog odbora JU Doma zdravlja Vareš.)

Predlagač nije imao dodatno obrazloženje.

Po ovoj tački dnevnog reda nije bilo rasprave i predsjedavajući OV stavio je na glasanje Prijedlog Rješenja o imenovanju predsjednika i članova Upravnog odbora JU Dom zdravlja Vareš.

Nakon izjašnjavanja vijećnika predsjedavajući OV konstatuje da je sa **15 glasova ZA, 2 glasa PROTIV i 3 SUZDRŽANA glasa usvojeno**

Rješenje o imenovanju predsjednika i članova Upravnog odbora JU Dom zdravlja Vareš

Ad. 8.

(Prijedlog Zaključka o davanju saglasnosti za realizaciju projekta Izgradnje kanalizacionog sistema u selima Striježevo i Mižnovići.)

Predlagač, Hamdo Fatić obrazložio je ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac i Džemo Kevrić.

Zaključena je rasprava i predsjedavajući OV stavio je na glasanje Prijedlog Zaključka o davanju saglasnosti za realizaciju projekta Izgradnje kanalizacionog sistema u selima Striježevo i Mižnovići.

Nakon izjašnjavanja vijećnika predsjedavajući OV konstatuje da je **jednoglasno usvojen**

Zaključak o davanju saglasnosti za realizaciju projekta Izgradnje kanalizacionog sistema u selima Striježevo i Mižnovići

Ad. 9.

(Nacrt Program rada OV za 2011. godinu.)

Ispred predlagača, sekretar OV Leon Pavlović obrazložio je ovu tačku dnevnog reda.

Otvorena je rasprava u kojoj su učestvovali vijećnici: Ivan Lučić, Džemo Kevrić, Dženana Bešić, predsjedavajući OV Josip Malbašić, pom načelnika Rusmir Berberović i predsjednik SDP Branko Romić.

Zaključena je rasprava i predsjedavajući OV je konstatovao da Nacrt Programa rada OV za 2011. godinu sa iznesenim primjedbama predstavlja dobru osnovu za utvrđivanje Prijedloga Programa rada, i stavio na glasanje Nacrt uz prijedlog **zaključka**:

- Predlaže se Vijeću da usvoji Nacrt i da se o Nacrtu Programa rada OV za 2011. godinu, obavi rasprava u Klubovima, strankama, organu uprave, Mjesnim zajednicama i nevladinom sektoru, da se sve primjedbe i prijedlozi u pismenom obliku dostave Kolegiju OV do 15.12. 2010. godine.

Nakon izjašnjavanja vijećnika predsjedavajući OV konstatuje da je sa **18 glasova ZA, 1 glasom PROTIV i 1 SUZDRŽANIM glasom uz predloženi Zaključak usvojen**

Nacrt Programa rada OV za 2011. godinu

A.d. 10.

*(Informacija o postignutom uspjehu u učenju
i vladanju u školskoj 2009/2010. godini u
OŠ „Vareš“ i „Vareš Majdan“ i MSS „Nordbat-2“ Vareš.)*

Predlagač nije imao dodatno obrazloženje.

Po ovoj tački dnevnog reda nije bilo rasprave i predsjedavajući OV stavio je na glasanje Informaciju o postignutom uspjehu u učenju i vladanju u školskoj 2009/2010. godini u OŠ „Vareš“ i „Vareš Majdan“ i MSS „Nordbat-2“ Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Informacija o postignutom uspjehu u učenju
i vladanju u školskoj 2009/2010. godini u
OŠ „Vareš“ i „Vareš Majdan“ i MSS „Nordbat-2“ Vareš.***

A.d. 11.

*(Informacija o provedenim općim
izborima na području Općine Vareš)*

Predlagač nije imao dodatno obrazloženje.

Otvorena je rasprava u kojoj su učestvovali vijećnici: Elvir Rožajac, Bešić Dženana, predsjedavajući OV Josip Malbašić, predsjednik SDA Sadudin Numanović, predsjednik SDP Branko Romić i predsjednik OIK Karlo Tokmačić koji je odgovorio na postavljena pitanja u raspravi i dao neka obrazloženja.

Zaključena je rasprava i predsjedavajući OV stavio je na glasanje Informaciju o provedenim općim izborima na području Općine Vareš uz zaključak koji se nameće iz Informacije:

- Da se hitno izvrše obaveze isplate naknade prema članovima OIK-e u skladu sa Zakonom i Odlukom OV-a Vareš.

Nakon izjašnjavanja vijećnika predsjedavajući OV konstatuje da je sa **19 glasova ZA i 1 glasom PROTIV** uz predloženi Zaključak **usvojena**

Informacija o provedenim općim izborima na području Općine Vareš

A.d. 12

(Informacija o stanju poljoprivredne proizvodnje na području Općine Vareš)

Predlagrač nije imao dodatno obrazloženje.

Po ovoj tački dnevnog reda nije bilo rasprave i predsjedavajući OV stavio je na glasanje Informaciju o stanju poljoprivredne proizvodnje na području Općine Vareš.

Nakon izjašnjavanja vijećnika predsjedavajući OV konstatuje da je sa **18 glasova ZA i 2 glasa PROTIV usvojena**

Informacija o stanju poljoprivredne proizvodnje na području Općine Vareš

A.d. 13.

(Tekuća pitanja)

1. Predsjedavajući OV izvijestio je Vijeće da je od strane Savjeta MZ Striježevo i Savjeta MZ Kokošćići, upućen dopis Općinskom vijeću i Općinskom načelniku za hitno saniranje lokalnog puta Striježevo-Kokošćići u dužini od 3,5 km.

Općinski načelnik Hamdo Fatić izvijestio je Vijeće o razlozima zašto radovi na spomenutom putu nisu urađeni i upoznao ih je da je danas dat nalog JKP d.o.o. Vareš za realizaciju radova na sanaciji lokalnog puta i da će u toku sedmice radovi biti završeni.

Vijećnik Džemo Kevrić je tražio da se sa sadržajem dopisa Savjeta MZ Striježevo i Savjetom MZ Kokošćići, upozna Vijeće.

Predsjedavajući OV upoznao je Vijeće sa sadržajem dopisa Savjeta MZ Striježevo i Savjetom MZ Kokošćići.

Otvorena je rasprava u kojoj su učestvovali vijećnici: Elvir Rožajac, Tajiba Brkić i Džemo Kevrić.

Zaključena je rasprava i predsjedavajući OV stavio je na glasanje predloženi

Zaključak:

- **Obavezuje se općinski načelnik da u okviru raspoloživih sredstava, dovede lokalni put Striježevo-Kokošćići prije snježnih padavina, u prohodno stanje.**

Nakon izjašnjavanja vijećnika predsjedavajući OV konstatuje da je Zaključak **jednoglasno usvojen.**

2. Predsjedavajući OV izvijestio je Vijeće da je od strane MZ Budoželje upućen Općinskom vijeću dopis u vezi zimskog održavanja puteva MZ Budoželje. Predsjedavajući OV je konstatovao da ovaj dopis nije u nadležnosti Vijeća. Općinski načelnik izvijestio je Vijeće da će biti udovoljeno zahtjevu MZ Budoželje.

3. Predsjedavajući OV izvijestio je Vijeće da je od strane MZ Dragovići upućen Općinskom vijeću Zahtjev za otkup prostorija i upoznao ih je sa sadržajem dopisa.

Općinski načelnik izjasnio se o zahtjevu MZ Dragovići i dao objašnjenje.
Predsjedavajući OV predložio je Vijeću

Zaključak:

- **Obavezuje se Općinski načelnik da u skladu sa raspoloživim sredstvima i mogućnostima, u toku naredne godine, pokuša napraviti razuman dogovor sa DD „Snaga“ Vareš, vezano za prostorije MZ Dragovići.**

4. Sekretar Vijeća Leon Pavlović upoznao je Vijeće o promjeni termina održavanja Treninga o javnim raspravama i promocije brošure za vijećnike i građane „Važni propisi Općine Vareš“, od strane OSCE –a. Termin održavanja je u četvrtak 02.12. 2010. godine u 12,00 sati u velikoj sali Općine Vareš.

Pozvani su i svi predsjednici Mjesnih zajednica općine Vareš, predstavnici nevladinog sektora i pomoćnici načelnika.

5. Predsjedavajući OV pozvao je vijećnike na predavanje profesora dr. akademika Midhata Uščuplića, na temu „ Okoliš i klimatske promjene“, koje će se održati 10.12. 2010. godine u 18,00 sati u sali općine Vareš. Organizator ovog predavanja je Udruga „Eko turist“ Vareš.

6. Vijećnik Željko Matić izvijestio je Vijeće o problemu ponovnih krađa u MZ Vijaka i ostalim Mjesnim zajednicama općine Vareš. Upoznao ih je da su dana 29.11. 2010. godine, predsjednici 18 mjesnih zajednica općine Vareš bili kod komandira policijske stanice Vareš u vezi spomenutog problema. Traži da se ovaj problem riješi i da se na narednu sjednicu OV pozove komandir policijske stanice Vareš.

U raspravi su učestvovali vijećnici: Ivan Lučić, Elvir Rožajac, Dženana Bešić, Željko Matić, Nikola Šimić, predsjedavajući OV Josip Malbašić i novoizabrani poslanik Skupštine ZE-DO Kantona Fahrudin Brkić.

Nakon sprovedene rasprave predsjedavajući OV predložio je Vijeću

Zaključak:

- **Predlaže se Općinskom načelniku i predsjedavajućem OV da do kraja sedmice obave razgovor sa Komandrom policijske stanice Vareš i dogovore način rješavanja ovog problema.**

Predsjedavajući OV je konstatovao da je u vezi rješavanja ovog problema potrebno učešće i lokalne zajednice i nada se da će u ovome imati saradnju i novoizabranih poslanika Skupštine ZE-DO kantona i pozvao je sve sugrađane da poduzmu maksimalne mjere da zaštite svoju imovinu.

Nakon izjašnjavanja vijećnika o predloženom zaključku, predsjedavajući OV konstatuje da je predloženi zaključak **jednoglasno usvojen.**

7. Vijećnik Mato Pavić upoznao je Vijeće na česte pritužbe građana općine Vareš vezano za rad Hitne službe Doma zdravlja Vareš, tj. za dobivanje vozila u toj Službi.

Otvorena je rasprava u kojoj su učestvovali vijećnici: Elvir Rožajac, Jelena Zlobec, Mato Pavić, Dženana Bešić, predsjedavajući OV Josip Malbašić i pomoćnik načelnika Rusmir Berberović.

Nakon zaključene rasprave predsjedavajući OV predložio je Vijeću

Zaključak:

- **Predlaže se Općinskom načelniku i predsjedavajućem OV da obave razgovor sa direktorom JU „Dom zdravlja“ Vareš i prezentiraju ovu problematiku, da se traži pismeno očitovanje JU „Dom zdravlja“ Vareš o ovakvim slučajevima koji se ponavljaju, kad je u pitanju Služba hitne pomoći.**

Nakon izjašnjavanja vijećnika o predloženom zaključku, predsjedavajući OV konstatuje da je predloženi zaključak **jednoglasno usvojen**.

Sjednica je završena u 13,00 sati i 53 minute.

S E K R E T A R

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović